
ФАРФОНА ШАҲРИДА БАРПО ЭТИЛАДИГАН ЭКОШАҲАР ҲУДУДИДА ТАШКИЛ ЭТИЛАЁТГАН “ЯНГИ ЎЗБЕКИСТОН” БОҒИГА ДАРАХТ ЭКИШ КАТТА ТАНТАНА БИЛАН БОШЛАНДИ

Фарғона шаҳар “Илғор” маҳалла фуқаролар йиғини ҳудудида барпо этиладиган Экошаҳарда 70 гектар майдонда ташкил этилаётган “Янги Ўзбекистон” боғига бугун дараҳт экиш бошланди.

Янги боғининг дастлабки 10 гектарига дараҳт экиш жараёни бугун Фарғона шаҳри маҳаллаларининг 1000 дан зиёд вакиллари, вилоят бошқарма ва ташкилотлари раҳбарлари, ҳарбийлар иштирокида катта тантана билан ўтказилди.

Дараҳт экиш тадбирида вилоят ҳокими Хайрулло Бозоров, Шарқий ҳарбий округ қўшинлари Қўмондони полковник Лутфулла Бузруков, вилоят секторлари раҳбарлари, вилоят мудофаа ва хавфсизлик тизимлари раҳбарлари ва жамоатчилик вакиллари иштирок этишди. Вилоятимизда бўлиб турган Ўзбекистон Республикаси Президентининг жамоат ва диний ташкилотлар билан ҳамкорлик масалалари бўйича маслаҳатчиси ўринбосари Олим Салиев ҳам янги боғда дараҳт экиш жараёнларида қатнашди.

Тадбир Қуръон тиловати билан бошланиб, янги барпо этилаётган Экошаҳар ҳамда “Янги Ўзбекистон” боғининг вилоятимиз аҳлига хайрли бўлишини тилаб, дуо қилинди.

Вилоят ҳокими бундай йирик лойиҳаларнинг амалга оширилаётгани Президентимиз раҳбарлигида сўнгги беш йилда олиб борилаётган ислоҳотларнинг самараси эканини қайд этиб, ислоҳотларнинг дастлабки йилларида халқимизда келажакка катта умид пайдо бўлган бўлса, бугунги кунда бу умид қатъий ишончга айланганини таъкидлади.

“Ўтган йили Президентимизнинг топшириқлари билан янги шаҳар барпо этишга киришганимизда, номлаш борасида Янги Фарғона, Фарғона-сити, Янги шаҳар каби турли ном таклифлари бўлганди. Ўшандаёқ Экошаҳар деган номда тўхталгандик. Ният холис бўлган экан, танланган ном давлатимиз раҳбарининг ташаббуслари билан бошланган “Яшил макон” дастурига, вилоятларда “Янги Ўзбекистон” боғи ташкил этиш бўйича берилган топшириқларга ҳамоҳанг бўлди” деди вилоят раҳбари.

Кун давомида 4000 тупдан зиёд каштан, Қрим соснаси, оққайин, клен, лола дараҳти ва бошқа турдаги манзарали дараҳтлар ўтказилди. Дараҳт экиш ишлари давом эттирилади.

[Бизни ижтимоий тармоқларда кузатинг Facebook,](#)
2021-11-22 14:20:37